



SLUŽBENE NOVINE TUZLANSKOG KANTONA

GODINA 8 • TUZLA, PONEDJELJAK 6. AVGUST/KOLOVOZ 2001. GODINE • IZDANJE NA BOSANSKOM I HRVATSKOM JEZIKU • BROJ 9

282

Na osnovu poglavlja IV, odjeljak B, člana 33. stav 1. tačka e) Ustava Tuzlanskog kantona, donosim

UKAZ

O PROGLAŠENJU ZAKONA O JAVNOM REDU I MIRU

Proglašava se Zakon o javnom redu i miru, koji je donijela Skupština Tuzlanskog kantona na sjednici od 12. 7. 2001. godine.

Broj: 01-1307/01
Tuzla, 23. 7. 2001. godine

Predsjednik
Tuzlanskog kantona,
Mr. Selim Bešlagić, v.r.

ZAKON

O JAVNOM REDU I MIRU

Član 1.

Ovim Zakonom uređuje se javni red i mir na području Tuzlanskog kantona, (u daljem tekstu: Kanton), utvrđuju djela kojima se povreduje javni red i mir i propisuju prekršajne sankcije za postupke i ponašanja kojima se narušava i ugrožava sigurnost i lično dostojanstvo građana na javnim mjestima, mir i odmor građana u njihovim stanovima, vrijeda moral, ometa rad organa vlasti i drugih pravnih lica, pravilno korištenje javnih objekata, ugrožava opća sigurnost imovine, prodaje, kupuje ili nudi domaći ili strani novac, propisuju uslovi i postupak za priređivanje vatrometa, sličnih priredbi, kao i uslovi i postupak za prikupljanje dobrovoljnih priloga od građana, organa vlasti i drugih pravnih lica ili na drugi način narušava javni red i mir.

Član 2.

Nazivi koji se koriste u ovom Zakonu, imaju slijedeće značenje:

1. Javni red i mir: - Pod javnim redom i mirom podrazumijevaju se postupci i ponašanja građana pojedinačno i u njihovim međusobnim odnosima, a koja su u skladu sa pravilima ponašanja o normalnom načinu života;
2. Javno mjesto: - Pod javnim mjestom, podrazumijeva se mjesto na kome je slobodan pristup neodređenom broju lica bez ikakvih uslova (ulice, trgovini, putevi, izletišta, pristaništa, čekaonice, ugostiteljske, trgovinske i zanatske radnje, sredstva i objekti javnog prijevoza, a mogu biti i sportski stadioni, igrališta, bioskopske, pozorišne i

koncertne sale, izložbene prostorije, poslovni objekti fizičkih i pravnih lica i sl.), kada se u njima održavaju javne manifestacije, kao i druga mjesta koja u određenom vremenu služe za ovakve svrhe (zemljište ili prostorije gdje se održavaju javni skupovi, priredbe, takmičenja i sl.). Kao javno mjesto smatra se i svako drugo mjesto ako je dostupno vidiku sa javnog mesta (balkoni, terase, dvorišta i dr.), te stanovi u stambenim zgradama, kada se u njima ili iz njih narušava javni red i mir u slučajevima posebno propisanim ovim Zakonom;

3. Naročito drsko ponašanje: - Kao naročito drsko ponašanje, smatra se grubo vrijeđanje drugog lica ili drugo bezobzirno ponašanje kojim se ugrožava sigurnost građana ili kojim se može izazvati osjećanje fizičke ugroženosti, uznenarenosti i negodovanja građana.

Član 3.

Prekršaj javnog reda i mira čini:

1. ko na javnom mjestu narušava javni red i mir svađom, vikom ili drskim ponašanjem;
2. ko na javnom mjestu narušava javni red i mir učestvovanjem u tuči, zlostavljanjem ili fizičkim napadom na drugog ili ko izazove tuču, odnosno zlostavljanje ili fizički napad na drugog;
3. ko na javnom mjestu narušava javni red i mir naročito drskim ponašanjem, grubim vrijeđanjem drugog lica ili drugim bezobzirnim ponašanjem ugrožava sigurnost građana ili izaziva osjećanje fizičke ugroženosti, uznenarenosti ili negodovanja građana;
4. ko ugrožava sigurnost ili izaziva osjećanje ugroženosti drugog lica prijetnjom da će napasti na njegov život ili tijelo;
5. ko ne postupi po naredbi ili rješenju organa vlasti kojim se zabranjuje pristup ili zadržavanje na određenom mjestu ili ometa ili omalovažava organe vlasti, pravna lica koja vrše javna ovlašćenja ili njihova službena lica, odnosno odgovorna lica prilikom vršenja ili u vezi sa vršenjem službenih poslova i zadataka ili ko ne postupi na licu mesta po određenom zakonitom zahtjevu njihovog službenog lica;
6. ko na javnom mjestu govorom, pisanjem ili slično vrijeđa vjerska, nacionalna i osjećanja rasne pripadnosti građana;
7. ko neovlašteno na javnom mjestu prodaje, kupuje ili nudi domaći ili strani novac ili papire od vrijednosti ili karte za prijevoz;
8. ko na javnom mjestu, bez odobrenja nadležnog organa, prodaje ili nudi na prodaju ulaznice za sportske i druge priredbe u većoj količini ili po cijenama višim od označenih;
9. ko na javnom mjestu pocijepa ili na drugi način uništi ili ošteti novac BiH;
10. ko iznosi ili pronosi lažne vijesti ili tvrđenja kojima se izaziva uznenirenje građana i ugrožava javni red i mir;
11. ko ukloni, pocijepa ili na drugi način ošteti javno istaknute objave, odnosno oglase organa vlasti ili pravnih lica, ako su

oni u skladu sa propisima općine, odnosno sprjeći isticanje ili ističe te javne objave ili oglase suprotno propisima općine;

12. ko se drugom lažno predstavi u pogledu svoje službene ili društvene funkcije, odnosno položaja ili ko upotrijebi lažne lične podatke kao svoje ili ko potvrdi tuđe lažne lične podatke, kao i ko neovlašteno nosi službene oznake;

13. ko daje alkoholna pića pijanom licu, duševno bolesnom licu ili licu zaostalog duševnog razvoja;

14. ko na javnom mjestu koristi i posjeduje opojnu drogu i psihotropne supstance;

15. ko konzumirajući alkohol doveđe sebe u pijano stanje, uslijed koga dolazi do narušavanja javnog reda i mira;

16. ko prosvaći ili se odaje skitnji;

17. ko navodi i posreduje na prosaćenje maloljetno lice, duševno bolesno lice ili lice zaostalog duševnog razvoja;

18. ko igra hazardnu ili drugu sličnu igru, tako da igra gubi društveni zabavni karakter ili ko za to iznajmi, odnosno ustupi prostorije;

19. ko se odaje prostituciji ili ko iznajmi, odnosno ustupi prostorije za vršenje prostitucije;

20. ko na javnom mjestu stvara nepotrebnu buku pojačanim radom motornog vozila, prijevozom, utovarom, istovarom, upotrebotem sirene ili rukovanjem audio i video tehničkim uređajima;

21. ko na javnom mjestu narušava javni red i mir izvodjenjem pjesama i muzike ili reprodukcijom iste, bez odobrenja ili protivno odobrenju nadležnog organa,

22. ko u stanu stvara ili izaziva nepotrebnu buku galamom, lupanjem ili puštanjem pretjerano glasne muzike, uslijed čega dolazi do negodovanja i uznenirenja građana ili stanara u stambenoj zgradici;

23. ko neopravdano zalazi ili se neopravdano zadržava u zajedničkim prostorijama (stubište, tavan, podrum, šupe, ogradio dvorište i sl.), stambene zgrade u kojoj ne stanuju;

24. ko na javnom mjestu ustupa, prodaje, kupuje ili nudi petarde i druga pirotehnička sredstva, bez odobrenja nadležnog organa;

25. ko na javnom mjestu ili iz stana puca iz vatrenog oružja, pali rakete, petarde ili sličan eksplozivni ili zapaljivi materijal, bez odobrenja nadležnog organa;

26. ko priredi vatromet ili sličnu priredbu, bez propisane najave ili mimo zabrane nadležnog organa ili ko ne preduzme mjeru obezbjeđenja koje je dužan preduzeti;

27. ko neovlašteno vrši fotografisanje i skiciranje objekata i mesta koja su označena kao zabranjena za fotografisanje i skiciranje;

28. ko neovlašteno prikuplja dobrovoljne priloge protivno odredbama člana 6. ovog Zakona.

29. ko drži životinje mimo propisanih uslova, a koje mogu ugroziti sigurnost građana ili ih uzneniriti;

30. ko na javnom mjestu izvodi psa bez povoca i brnjice.

Prekršioce javnog reda i mira iz člana 3. stav 1. tački 1., 2. i 3. koji su zatečeni na licu mesta ili naknadno pronađene, ovlašteni službenici organa Ministarstva unutrašnjih poslova mogu privesti dežurnom sudiji za prekršaje nadležnog općinskog suda za prekršaje radi vođenja prekršajnog postupka protiv istih.

Član 4.

Prekršaji javnog reda i mira iz člana 3. stav 1. tački od 1. do 10. i tačke 14. ovog Zakona, su i kada je prekršaj izvršen:

1. u prostorijama organa vlasti, privrednih društava i drugih pravnih lica;

2. u zajedničkim prostorijama (dvorište, stubište, podrum, šupe, tavan i sl. stambene zgrade) u kojoj je nastanjeno više stanara, kad je u te prostorije omogućen pristup i licima koja ne stanuju u toj zgradi odnosno stubištu;

3. na drugim mjestima kad je uslijed blizine ili izloženosti vidiku izvršenom radnjom narušen javni red i mir.

Član 5.

Priredivanje vatrometa i sličnih priredbi mora se prijaviti policijskoj upravi Ministarstva unutrašnjih poslova Kantona (u daljem tekstu: policijska uprava), na čijem području će se priredba održati, najkasnije 8 (osam) dana prije održavanja priredbe.

U prijavi, pored ostalog, mora se navesti vrijeme, mjesto i svrha održavanja priredbe, imena lica ili generalni podaci lica koja će rukovati pirotehničkim sredstvima, količina pirotehničkih sredstava koja će se upotrijebiti, kao i mjeru obezbjeđenja koje će se preduzeti.

Priredivač je dužan da sprovodi mjeru obezbjeđenja koje mu rješenjem odredi policijska uprava.

Policijska uprava može zabraniti održavanje priredbe iz stava 1. ovog člana, ako procijeni da bi moglo doći do narušavanja javnog reda i mira. U tom slučaju, nadležni organ dužan je donijeti rješenje o zabrani i dostaviti ga priredivaču najkasnije 48 sati prije održavanja priredbe.

Žalba izjavljena protiv rješenja iz stavova 3. i 4. ovog člana ne odlaže njihovo izvršenje.

Član 6.

Pravna lica mogu prikupljati dobrovoljne priloge od građana, organizacija i zajednica, ako za to imaju odobrenje načelnika općine na čijem području se prilozi prikupljanju.

U zahtjevu kojim se traži odobrenje za prikupljanje dobrovoljnih priloga, pored ostalog, mora se navesti svrha i način prikupljanja, mjeru koje će se preduzeti radi obezbjeđenja od eventualnih zloupotreba u vezi sa prikupljanjem, vrijeme za koje se traži odobrenje za prikupljanje, kao i područje na kojem će se vršiti prikupljanje.

Pravno lice, kojem je odobreno prikupljanje dobrovoljnih priloga, dužno je da sprovodi mjeru obezbjeđenja od zloupotreba koje su određene odobrenjem za prikupljanje dobrovoljnih priloga.

Zahtjev za izdavanje odobrenja za prikupljanje dobrovoljnih priloga načelnik općine može odbiti ako prikupljanje dobrovoljnih priloga može izazvati uznenirenje građana ili narušiti javni red i mir ili ako nije opravdana svrha prikupljanja dobrovoljnih priloga.

Dalje prikupljanje dobrovoljnih priloga može se zabraniti iz razloga utvrđenih u prethodnom stavu ili ako se ustanovi da se ne sprovode mjeru obezbjeđenja od zloupotreba ili da su u zahtjevu navedeni netačni podaci o svrsi prikupljanja.

Žalba na rješenje iz prethodnog stava može se izjaviti općinskom organu određenom statutom općine, odnosno organu određenom propisom općinskog vijeća u roku od 15 (petnaest) dana od dana dostavljanja rješenja.

Žalba izjavljena protiv rješenja ne odlaže izvršenje rješenja.

Odobrenje iz stavova 1. i 2. ovog člana nije potrebno za dobrovoljne priloge:

- koji se prikupljaju u okviru pravnog lica za zajedničke potrebe ili potrebe pojedinih zaposlenika pravnog lica;

- čije prikupljanje organizuje mjesna zajednica na svom području ili kućni savjet u zgradici kojom upravlja za određenu potrebu u okviru djelatnosti mjesne zajednice, odnosno kućnog savjeta;

- koji se prikupljaju umjesto ulaznica za priredbe koje organizuju udruženja građana, sindikati i drugi oblici udruživanja i organizovanja, a u skladu sa programom njihove aktivnosti;

- koje se provodi u službenim, poslovnim prostorijama;

- koje prikupljaju humanitarne organizacije u okviru svoje registrovane djelatnosti.

Član 7.

Učinilac će se kazniti:

1. za prekršaj iz člana 3. stav 1. tačke 1. i 30. ovog Zakona, novčanom kaznom od 50 KM.
 2. za prekršaj iz člana 3. stav 1. tačke od 2. do 7. i od 9. do 11. ovog Zakona, novčanom kaznom od 100 do 1.000 KM ili kaznom zatvora do 60 dana;
 3. za prekršaj iz člana 3. stav 1. tačke 8., 12., 13., 14., 15., 18., 25. i 26. ovog Zakona, novčanom kaznom od 100 do 1.000 KM ili kaznom zatvora do 30 dana;
 4. za prekršaje iz člana 3. stav 1. tačke 16. i 17. ovog Zakona, kaznom zatvora do 60 dana;
 5. za prekršaj iz člana 3. stav 1. tačke 19., 27. i 28. ovog Zakona, novčanom kaznom od 100 do 1.000 KM ili kaznom zatvora do 60 dana;
 6. za prekršaj iz člana 3. stav 1. tačke od 20. do 24. i tačke 29. ovog Zakona, novčanom kaznom od 50 do 500 KM;
 7. za prekršaj iz člana 3. stav 1. tačka 29. ovog Zakona, roditelj, usvojilac, odnosno staralac, novčanom kaznom od 50 do 500 KM;
- Za prekršaj javnog reda i mira iz člana 3. stav 1. koji je učinio maloljetnik, kaznit će se roditelj, usvojilac, odnosno staralac ako je izvršenje prekršaja posljedica njihovog propuštanja dužnog staranja o maloljetniku, a u mogućnosti su da takav nadzor vrše.
- Novčanu kaznu iz tačke 7. prethodnog stava, na licu mjesta izriču i naplaćuju službenici policije.

Član 8.

Novčanom kaznom od 500 do 5.000 KM, kaznit će se za prekršaj pravno lice koje iznajmi, odnosno ustupi prostorije za igranje hazardnih i njima sličnih igara, (član 3. stav 1. tačka 18.) ili za vršenje prostitucije (član 3. stav 1. tačka 19.).

Za prekršaj iz prethodnog stava kaznit će se odgovorno lice u pravnom licu ili mjesnoj zajednici, novčanom kaznom od 200 do 2.000 KM ili kaznom zatvora do 60 dana.

Vlasnik samostalnog ugostiteljskog objekta (u daljem tekstu: ugostitelj), koji iznajmi ili ustupi prostorije u ugostiteljskoj radnji za igranje hazardnih ili njima sličnih igara ili za vršenje prostitucije, kaznit će se za prekršaj novčanom kaznom od 500 do 5.000 KM ili kaznom zatvora do 60 dana.

Za prekršaj iz prethodnog stava kaznit će se lice kome je povjerenovo vođenje ugostiteljske radnje, novčanom kaznom od 200 do 2.000 KM ili kaznom zatvora do 60 dana.

Član 9.

Pravno lice, odgovorno lice u pravnom licu, imalac radnje ili lice kome je povjerenovo vođenje radnje, dužni su preduzimati mjeru za održavanje javnog reda i mira u njihovim poslovnim prostorijama, kada je to moguće bez opasnosti za sebe ili drugog i slučajevu narušavanja javnog reda i mira odmah prijaviti policijskoj upravi ili službeniku policije.

Pravno lice koje ne postupi po odredbama prethodnog stava, kaznit će se za prekršaj novčanom kaznom od 200 do 2.000 KM.

Za prekršaj iz stava 1. ovog člana kaznit će se odgovorno lice u pravnom licu, novčanom kaznom od 100 do 1.000 KM.

Imalac radnje koji ne postupi po odredbi stava 1. ovog člana, kaznit će se za prekršaj novčanom kaznom od 200 do 2.000 KM, a lice kome je povjerenovo vođenje radnje od 100 do 1.000 KM.

Imaocu radnje ili licu kome je povjerenovo vođenje radnje, može se izreći zaštitna mjera "zabranu vršenja samostalne djelatnosti".

Zaštitna mjera iz prethodnog stava može se izreći u trajanju od tri mjeseca do jedne godine.

Imalac radnje koji postupi protivno izrečenoj zaštitnoj mjeri iz stava 5. ovog člana, kaznit će se za prekršaj novčanom kaznom od 200 do 2.000 KM ili kaznom zatvora do 60 dana, a lice kome je povjerenovo vođenje radnje, novčanom kaznom od 100 do 1.000 KM ili kaznom zatvora do 60 dana.

Član 10.

Za prekršaj iz člana 3. stav 1. tačke 7., 8., 10., 11., 14., 20., 21., 24., 26., 27. i 28. ovog Zakona, pravno lice kaznit će se novčanom kaznom od 200 do 2.000 KM, a odgovorno lice u pravnom licu, novčanom kaznom od 100 do 1.000 KM.

Član 11.

Za prekršaj iz člana 3. stav 1. ovog Zakona, može se izreći zaštitna mjera "oduzimanja predmeta" koji su bili upotrijebjeni ili su bili namijenjeni za izvršenje prekršaja ili su nastali izvršenjem prekršaja.

Licu koje je učinilo prekršaj iz člana 3. stav 1. ovog Zakona, zbog ovisnosti od upotrebe opojnih droga i alkohola i kod koga postoji opasnost da će zbog te ovisnosti i dalje vršiti prekršaj, može se izreći zaštitna mjera "obavezno liječenje alkoholičara i narkomana".

Zaštitne mjere po odredbama stavova 1. i 2. ovog člana, mogu se izreći i ako kazna za prekršaj nije izrečena.

Član 12.

Prema prirodi predmeta oduzetih po odredbi člana 11. stav 1. sud za prekršaje odredit će da li će se oduzeti predmeti prodati, uništiti ili ustupiti nadležnom kantonalnom organu ili ustanovi.

Član 13.

Službenici policije kada, u vršenju službenih poslova i zadataka, saznaju za prekršaj propisan ovim Zakonom, mogu privremeno oduzeti predmete koji su bili upotrijebjeni ili su bili namijenjeni za izvršenje prekršaja ili koji su nastali izvršenjem prekršaja, kao i predmete koji mogu poslužiti kao dokaz u prekršajnom postupku.

O privremenom oduzimanju predmeta, službenici policije licu od koga su oduzeti predmeti izdaju potvrdu koja sadrži:

- naziv i sjedište organa čiji je službenik oduzeo predmete;
- naziv, vrstu i količinu oduzetih predmeta;
- ime i prezime lica od koga su oduzeti predmeti i njegovu adresu,
- razlog oduzimanja;
- datum, vrijeme i mjesto oduzimanja;
- pečat i potpis ovlaštenog lica.

Član 14.

Općinsko vijeće može, u skladu sa ovim Zakonom propisati i druge prekršaje protiv javnog reda i mira.

Član 15.

Danom stupanja na snagu ovog Zakona, na području Tuzlanskog kantona, prestaje primjena Zakona o javnom redu i miru, ("Službeni list SRBiH", broj: 42/90).

Član 16.

Ovaj Zakon stupa na snagu osmog dana od dana objavljivanja u "Službenim novinama Tuzlanskog kantona".

Bosna i Hercegovina

Predsjednik

Federacija Bosne i Hercegovine Skupštine Tuzlanskog kantona,

TUZLANSKI KANTON

Skupština

Dr. Izet Žigić, v.r.

Broj: 01-02-383-5/01

Tuzla, 12. 7. 2001. godine

radni odnos policijskog službenika prekida se i ne produžava se ni u kom obliku, niti na bilo koji način, i ni pod kojim okolnostima, ako je policijskom službeniku UN/IPTF odbio certifikaciju, odnosno ako mu je UN/IPTF ukinuo ovlaštenje za vršenje policijskih ovlaštenja.

- (3) Stavovi 1. i 2. ovog člana ne primjenjuju se na osobe kojima je UN/IPTF odbio certifikaciju, a koje će, u skladu s odredbama ovog zakona, biti zaposlene u policijskom organu, nakon stupanja na snagu ovog zakona.
- (4) Osobe iz stava 3. ovog člana izuzimaju se od primjene tačke b) člana 46. ovog zakona.
- (5) Da bi se smatrala "osobom kojoj je UN/IPTF odbio certifikaciju" u smislu odredbe stava 3. ovog člana, osoba je u vrijeme podnošenja prijave za prijem u radni odnos dužna iznijeti činjenicu o tome da joj je UN/IPTF odbio certifikaciju.
- (6) Iznošenje činjenice iz stava 5. ovog člana smatra se "traženom dokumentacijom" u smislu odredbe iz stava 1. člana 51. ovog zakona.
Navedena činjenica iznosi se:
- u pismenoj formi; i
- uz nju se podnosi primjerak relevantnog dokumenta UN/IPTF kojim se potvrđuje odbijanje certifikacije.

Član 3.

Ovaj zakon stupa na snagu dan nakon objavljivanja u "Službenim novinama Tuzlanskog kantona".

Bosna i Hercegovina
Federacija Bosne i Hercegovine
TUZLANSKI KANTON
Skupština
Broj: 01-02-753-5/07
Tuzla, 31. 10. 2007. godine

Predsjednik
Skupštine Tuzlanskog kantona
Mr. sci. Amir Fazlić, v.r.

352

Na osnovu člana 24. stav 1. tačka c) Ustava Tuzlanskog kantona ("Službene novine Tuzlansko-podrinjskog kantona", br. 7/97 i 3/99 i "Službene novine Tuzlanskog kantona", br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 31. 10. 2007. godine, donosi

ZAKON

O IZMJENAMA ZAKONA O JAVNOM REDU I MIRU

Član 1.

U Zakonu o javnom redu i miru ("Službene novine Tuzlanskog kantona", br. 9/01 i 11/01), u članu 7. stav 1. tačka 2. iza skraćenice: "KM" stavlja se tačka zarez, a tekst: "ili kaznom zatvora do 60 dana", briše se;

Tačka 3. iza skraćenice: "KM" stavlja se tačka zarez, a tekst: "ili kaznom zatvora do 30 dana", briše se;

Tačka 4. riječi: "kaznom zatvora do 60 dana", zamjenjuju se riječima: "novčanom kaznom od 100 do 1000 KM";

Tačka 5. iza skraćenice: "KM" stavlja se tačka zarez, a tekst: "ili kaznom zatvora do 60 dana", briše se;

Stav 3. briše se.

Član 2.

U članu 8. st. 2., 3. i 4., iza skraćenice: "KM" stavlja se tačka, a tekst "ili kaznom zatvora do 60 dana", briše se.

Član 3.

U članu 9. stav 5. riječi: "zabrana vršenja samostalne djelatnosti", zamjenjuju se riječima: "zabrana vršenja poziva, djelatnosti ili dužnosti".
U stavu 7., u trećem i petom redu, iza skraćenice "KM" stavlja se zarez, odnosno tačka, a tekst: "ili kaznom zatvora do 60 dana", briše se.

Član 4.

U članu 11. stav 2. riječi: "obavezno liječenje alkoholičara i narkomana" zamjenjuju se riječima: "vanbolničko liječenje od zavisnosti".

Član 5.

Ovaj zakon stupa na snagu osmog dana od dana objavljivanja u "Službenim novinama Tuzlanskog kantona".

Bosna i Hercegovina
Federacija Bosne i Hercegovine
TUZLANSKI KANTON
Skupština
Broj: 01-02-752-8/07
Tuzla, 31. 10. 2007. godine

Predsjednik
Skupštine Tuzlanskog kantona
Mr. sci. Amir Fazlić, v.r.

- ako vrši eksploataciju mineralnih sirovina bez odobrenja za eksploataciju i bez dozvole nadležnog organa (član 7. stav (1));
 - ako vrši eksploataciju mineralnih sirovina van odobrenog eksploatacionog polja (član 8. stav (1));
 - ako ne organizuje službu spašavanja, vatrogasnu službu i službu prve pomoći ili ne zaključi ugovor sa odgovarajućim službama (član 12.);
 - ako odmah ne obavijesti Ministarstvo, rudarskog inspektora i Ministarstvo unutrašnjih poslova o svakom smrtnom slučaju, grupnoj povredi, težoj povredi na radu i svakoj drugoj rudarskoj nesreći (član 13. stav (3));
 - ako ne organizuje službu zaštite na radu, ne provode mjere zaštite na radu i mjere za sigurnost građana i imovine (član 14. stav (2), i član 36. stav (1));
 - ako na poslove vršenja nadzora i tehničkog rukovođenja rudarskim radovima rasporedi lica koja ne ispunjavaju propisane uslove (čl. 15. do 21.);
 - ako ne osigura izvođenje rudarskih radova prema odobrenoj tehničkoj dokumentaciji i propisima, kao i stalni nadzor svih rudarskih radova, postrojenja i uređaja (član 22.);
 - ako ne vodi knjigu rudarskog nadzora (član 23.);
 - ako u određenom roku rudarskoj inspekciji ne prijavi početak izvođenja rudarskih radova i lica koja će obavljati poslove tehničkog i glavnog tehničkog rukovođenja ili ako ne prijavi prestanak rudarskih radova (član 33.);
 - ako stavi u redovnu upotrebu objekte, postrojenja i uređaje prije dobijanja dozvole za upotrebu (član 34. stav (1));
 - ako Ministarstvu i rudarskoj inspekciji u propisanim rokovima ne prijavi svaku privremenu obustavu rudarskih radova ili slučaj pojave opasnosti po život i zdravlje radnika ili ponovni početak rudarskih radova (član 37. st. (1), (2) i (3));
 - ako Ministarstvu i rudarskoj inspekciji u propisanom roku ne prijavi svaku potpunu ili trajnu obustavu izvođenja rudarskih radova (član 38. stav (1));
 - ako nakon završetka ili trajne obustave rudarskih radova u roku utvrđenom u projektu ne izvrši konačnu sanaciju zemljišta i rekultivaciju okoliša nastalih uticajem rudarskih radova, ne otkloni posljedice nastale rudarskim radovima, ne preduzme potrebne mjere osiguranja za zaštitu života i zdravlja ljudi i imovine, ako o tome ne obavijesti Ministarstvo i nadležne inspekcije i ako sanaciju i rekultivaciju ne izvrši u skladu sa projektom i dozvolom za obustavu eksploatacije, (član 39. st. (1), (2), (3) i (4));
 - ako ne posjeduje propisanu tehničku dokumentaciju (član 43.);
 - ako na osnovu mjerena ne izradi planove i karte iz člana 56. stav (1) ovog zakona, ako ih redovno ne dopunjava, ako ne vodi mjeričke knjige, ako ne izradi dugoročni program i godišnji plan eksploatacije i ako te programe i planove ne dostavi Ministarstvu (čl. 55., 56., 57. i 58.);
 - ako se izvođenje rudarskih radova ne obavlja u skladu sa okolinskom dozvolom i urbanističkom saglasnošću (član 70. stav (1)).
- (2) Za prekršaje iz stava (1) ovog člana, bit će kažnjeno odgovorno lice u pravnom licu novčanom kaznom u iznosu od 1.000,00 KM do 3.000,00 KM.
- (3) Za prekršaj iz stava (1) tačka 1. ovog člana, kaznit će se fizičko lice novčanom kaznom u iznosu od 500,00 KM do 1.500,00 KM.
- (4) Za prekršaje iz stava (1) tač. 1. i 2. ovog člana uz novčanu kaznu izreći će se:
- zaštitna mjera oduzimanja predmeta koji su upotrijebljeni ili su bili namijenjeni za izvršenje prekršaja ili su nastali izvršenjem prekršaja ili kada postoji opasnost da će se takvi predmeti ponovno upotrijebiti za počinjenje prekršaja, bez obzira na to da li su u vlasništvu počinitelja
- mjera oduzimanja imovinske koristi pribavljene izvršenjem prekršaja.
- (5) Imovinskom koristi iz stava (3) tačka 2. ovog člana, smatra se tržišna vrijednost mineralne sirovine dobivene nelegalnom eksploatacijom.

Član 74.

(1) Novčanom kaznom od 3.000,00 KM do 10.000,00 KM bit će kažnjeno za prekršaj pravno lice:

- ako su rješenja u projektu nekvalitetna i ako je projekt nekvalitetno izrađen (član 50. stav (7));
- ako uz izrađeni rudarski projekt ili dio rudarskog projekta ne postoji pisana izjava kojom projektant i glavni projektant potvrđuju da su u projektu primjenjeni uslovi iz člana 43. ovog zakona (član 50. stav (5));
- ako je revizija projekta nekvalitetno izvršena (član 51. stav (5));
- ako izvršenom revizijom projekta nije provjerena primjena člana 43. i člana 50. stavovi (5), (6) i (7) ovog zakona (član 51. stav (1)).

(2) Za prekršaje iz stava (1) ovog člana, bit će kažnjeno odgovorno lice u pravnom licu novčanom kaznom od 800,00 KM do 2.400,00 KM.

(3) Za prekršaje iz stava (1) tačke 3. i 4. ovog člana, bit će kažnjeno revident novčanom kaznom od 700,00 KM do 2.100,00 KM.

(4) Za prekršaj iz stava (1) tačke 1.i 2. ovog člana, bit će kažnjeno projektant i glavni projektant novčanom kaznom od 600,00 KM do 1.800,00 KM.

X. PRIJELAZNE I ZAVRŠNE ODREDBE

Član 75. (Propisi ministra)

Ministar će propise iz članova 34. i 42. ovog zakona donijeti u roku od šest mjeseci od dana stupanja na snagu ovog zakona.

Član 76. (Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Tuzlanskog kantona".

Bosna i Hercegovina
- Federacija Bosne i Hercegovine -
TUZLANSKI KANTON
Skupština
Broj: 01-02-391-10/11
Tuzla, 26.10.2011. godine

Predsjednik
Skupštine Tuzlanskog kantona,
Bajazit Jašarević, v.r.

491

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 26.10.2011. godine, d o n o s i

ZAKON O IZMJENAMA I DOPUNAMA ZAKONA O JAVNOM REDU I MIRU

Član 1.

U Zakonu o javnom redu i miru ("Službene novine Tuzlanskog kantona", br. 9/01, 11/01 i 11/07), u članu 3. stav 1. tačka 14. mijenja

se i glasi: "ko na javnom mjestu uživa opojnu drogu i psihotropne supstance;"

Tačka 18. mijenja se i glasi:

"ko igra hazardnu ili drugu sličnu igru za novac ili drugu korist tako da igra gubi društveno zabavni karakter ili ko ustupi ili iznajmi u tu svrhu prostorije, osim u slučajevima igranja hazardne ili druge slične igre koja se odvija u za to namijenjenim prostorijama koje su registrovane za tu vrstu djelatnosti, ili ko omogućava licu mlađem od 18 godina da igra hazardnu ili drugu sličnu igru ili da se kladi u objektima koji su registrovani za tu vrstu djelatnosti."

U tački 24. iza riječi: "mjestu" dodaje se riječ: "posjeduje,".

Iza tačke 30. dodaju se nove tačke "31., 32. i 33.", koje glase:

"31. ko na javnom mjestu vrši fiziološke potrebe ili izloži intimne dijelove tijela pogledu drugih;

32. ko neovlašteno upotrijebi oružje i time ugrozi sigurnost ljudi ili imovine ili izazove osjećanje uznenamirenosti građana;

33. ko stavi ili drži ispred zgrade ili ograda, odnosno na zgradu ili ogradi, uredaj ili predmet koji može ugroziti prolaznika ili mu nanijeti štetu ili ko takve predmete stavi ili izbací na put."

Član 2.

U članu 4. stav 1. iza broja "14" dodaje se zarez i brojevi: "31 i 32".

Član 3.

Član 7. mijenja se i glasi:

"Učinilac će biti kažnjen:

1. za prekršaj iz člana 3. stav 1. tačke 1. i 30. ovog zakona, novčanom kaznom od 100,00 KM,

2. za prekršaje iz člana 3. stav 1. tačke od 20. do 24. i tačke 29., 31. i 33. ovog zakona, novčanom kaznom od 100,00 do 1.000,00 KM,

3. za prekršaj iz člana 3. stav 1. od tačke 2. do 19., od tačke 25. do 28. i tačke 32. ovog zakona, novčanom kaznom od 150,00 do 1.500,00 KM."

Za prekršaj javnog reda i mira iz člana 3. stav 1. koji je učinio maloljetnik, kaznit će se roditelj, usvojilac, odnosno staralac, ako je izvršenje prekršaja posljedica njihovog propuštanja dužnog staranja o maloljetniku, a u mogućnosti su da takav nadzor vrše.

Član 4.

Ovaj zakon stupa na snagu osmog dana od dana objavljivanja u "Službenim novinama Tuzlanskog kantona".

Bosna i Hercegovina
- Federacija Bosne i Hercegovine -
TUZLANSKI KANTON
Skupština
Broj: 01-02-527-4/11
Tuzla, 26.10.2011. godine

Predsjednik
Skupštine Tuzlanskog kantona,
Bajazit Jašarević, v.r.

492

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 26.10.2011. godine, donosi

ZAKON O IZMJENI ZAKONA O UNUTRAŠNJIM POSLOVIMA TUZLANSKOG KANTONA

Član 1.

U Zakonu o unutrašnjim poslovima Tuzlanskog kantona („Službene novine Tuzlanskog kantona“, br. 4/10 i 5/11), u članu 88. riječi: „proračunske 2012. godine“, zamjenjuju se riječima: „proračunske 2013. godine“.

Član 2.

Ovaj zakon stupa na snagu osmog dana od dana objavljivanja u "Službenim novinama Tuzlanskog kantona".

Bosna i Hercegovina
- Federacija Bosne i Hercegovine -
TUZLANSKI KANTON
Skupština
Broj: 01-02-528-4/11
Tuzla, 26.10.2011. godine

Predsjednik
Skupštine Tuzlanskog kantona,
Bajazit Jašarević, v.r.

493

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 26.10.2011. godine, donosi

ZAKON O PRESTANKU VAŽENJA ZAKONA O ZAŠTITI OKOLICE

Član 1.

Zakon o zaštiti okolice („Službene novine Tuzlansko-podrinjskog kantona“, broj: 6/98 i „Službene novine Tuzlanskog kantona“, broj: 15/00), prestaje da važi.

Član 2.

Ovaj zakon stupa na snagu osmog dana od dana objavljivanja u "Službenim novinama Tuzlanskog kantona".

Bosna i Hercegovina
- Federacija Bosne i Hercegovine -
TUZLANSKI KANTON
Skupština
Broj: 01-02-516-4/11
Tuzla, 26.10.2011. godine

Predsjednik
Skupštine Tuzlanskog kantona,
Bajazit Jašarević, v.r.

494

Na osnovu članova 105. i 106. Poslovnika Skupštine Tuzlanskog kantona – prečišćeni tekst („Službene novine Tuzlanskog kantona“, br. 10/04, 13/06 i 1/08), Skupština Tuzlanskog kantona, na sjednici održanoj 26.10.2011. godine, donosi

ODLUKU o izmjena i dopunama Poslovnika Skupštine Tuzlanskog kantona

Član 1.

U Poslovniku Skupštine Tuzlanskog kantona – prečišćeni tekst („Službene novine Tuzlanskog kantona“, br. 10/04, 13/06 i 1/08) u članu 24. u stavu 3. iza riječi: „mlade“ dodaju se riječi: „i Komisiji za pravdu, ljudska prava i građanske slobode“, a na kraju teksta,